

نومرو: ۲-۷۹

اداره خانه

ایستانبول، جفال اوغلنده

دائرة اجتهاد

Idjtihad Constantinople

دوردنجی سنه

اشعار

۵ ایلول ۱۳۲۹

آبونه

حریت فکریه یه خادم

پنجشنبه کونلری چیقار اجتماعی، ادبی مجموعه

مدیر مرخص : الرامی صفا

تورکیا ایچین : ۵ غروش ۲۰ غروش
ممالک اجنبیه ایچین ۱۵ فرانق ۸ فرانق

نسخه سی ۵۰ یارم

اوقات برمو عظم

قرآن جلیل العنوانده - جناب حقّدن انحق عالم اولان
قوللر خشیت ایدر - مألنده اولان (انما یخشی الله من
عباده العلماء) آیه جلیله سی شرفوارد اولمشدر بو آیه
جلیله ده که خشیت و علما لفظلرینی تحلیل ایتک اقتضا
ایدر، تا که مال منیف حقیله کسب وضوح ایتسون .
معلومدر که عریجه ده قورقو، قورقو معنای افاذه ایتک
ایچون (خوف) کله سی وارددر. خشیت انک مرادی دکل
بلکه آندن اخص برمعنای افاذه یه موضوعدر. بر قدرت
فعاله، ویا بر عظمت قاهره قارشوسنده مهوت و متحیر
قاله رق او قدرت ویا عظمتدن قورقو دیمکدر لسانم زده
ظن ایدرم که بونک مقابلی (اورمک) در. آ کلاشیلور که
آیت جلیله نک مفادی مجرد قورقو دکل بلکه قدرت
قاهره وجلالت باهره الهیه قارشوسنده متحیر و متحسّس
اوله رق اورمک اولیور که قدرت الهیه بیلنمدکجه بویولده
بر حس تحمل ایدمزم. (خشیت) کله سی بویولده
آ کلاشیلنجه (علماء) لفظنک ده مفادی تظاهر ایدر دها
زیاده توضیح مقصد ایچون آیت جلیله نک اوست طرفی
نظر مطالعه آلق ایجاب ایدیور اوست طرفی - حییم
جناب حقّک یاغوردن متسبب رنگری مختلف میولر
اخراج کذا طاغلوک بعضلرنده کندی رنگلرینه مخالف
اوله رق قیرمزی بیاض رنگده اوزون یوللر طمارلر
ایجاد وکذا انسان و حیواناتی یکدیگره مخالف شکل
ورنگده خلق بیوردیغی کورمدگمی - مألنده بولسان
(الم تر ان الله) الخ آیات قرآنیه سیدر. یاغورک ناصل
نزول و آندن نباتات و اشجارک نه صورتله تسبب ایتدیکنی
میولرک نه دن مختلف رنگلرله حاصل اولدیغی کورمک،
بیضادی مرحومک تفسیری وجه ایله بیلیمک ایچون
بونلری بیلدرر قنله کسب وقوف ایتک یعنی کونشک
نشر ایتدیکی حرارتی و احرارت سیبله کره ارضده کی

صولرک تجزینی و بخار حاله کلدکدن صوکره یوقاری یه
چقارق بولوط تشکیل ایلدیکنی بخارک هوادن دها
خفیف اولدیغی صوکره بولوطرک صغوقه تصادف ایتکله
تکاثف ایدنجه قانون جاذبه یه تبعاً تکرار ارضه نازل
اولدیغی و نباتی نه صورتله ارواء و اسقالتیدیکنی و بوسیله
نباتاتک ناصل نمالاندیغی. اشجارک میوه ویردیکنی، میولرک
کونشک حرارت و ضیاسندن ناصل استفاده ایتدیکنی
بیلیمک ایجاب ایدر که آیت کریمه نک بو برنجی شقیله
یالکزر علم نباتاته دکل قوانین طبیعه نک پک چوغنک
بیلنسنه لزوم کوسترلمش اولیور. شق ثانسی دخی علم
معادنه دلالت صریحه ایله دلالت ایدر زیرا طاغلوک
بعضلرنده مختلف رنگده قرمزی بیاض سیاه یوللر،
طمارلر، معادنن باشقه برشی اوله ماز. انسانلرک مختلف
رنگ و شکله اوله لری ایسه علم انسال بشره حیوانات
سائر نک اختلاف الوانی ده علم حیواناته اشارت اولور.
ایشته بونلر کورولکدن، بیلندکدن صوکره نامتاهی بر
قدرت حد و پایی اولمایان بر عظمت قارشوسنده انسان
کندی عجزینی کورورده بتون احتساستی دوچار خشیت
اولور. بو عالمدر که حقیقی اوله رق قدرتک تجلیاتی اوکند
مهوت و مستغرق اولمشلردر. علم نباتات و علم طبقات الارض
و علم معادن و علم انسال بشر و علم حیواناته اشارت
بیوردقن صوکره «انحق بیلنلر خشیت ایدر» دیمکله
پک صریح بر صورتده علمانک کیملر اولدقلى ا کلاشیلور.
بزم مدرسه لرده کوردو کمز صرف، نحو، بیان، بدایع،
منطق و سائر خشیت حقیقه نک حصوله کفایت ایتز.
بو علملر لزومسزدر دیدیکم ا کلاشیلما سون. ناصل
لزومسزدر دیه بیلیم که بو آیت جلیله دن معانی مذکورده یی
اکلایه بیلیم. بو علملرله توغلم سایه سنده در انحق همتی
بونلره حصر ایتک علوم مذکورده یی بیلیمک ایسته مه مک
آیت کریمه نک ضراحتنه قارشو عصیان ایتک اولدیغی
عرض ایتک ایسته یورم عالم اسلامده علما مبعجلدر. فقط

تجیل او علمایه درکه قرآن کریمک توصیه بیوردینی
وجه ایله دیانته واقف اولمقله برابر علوم و فنونک هیچ
برینه عداوت ایتمز آرزوچوق جمله سیه وقوف کسب ایدر
صوکرده ینه قرآنک توصیه سی وجه ایله اخلاقه اجتماعیه
خدمت ایدر، یوقسه لیلہ مبارکہ قدرده آیاصوفیه جامع
شریفده بعض صاف دل اهلیدن پاره قوپارمق انلری
صومق ایچون (اصحابک پیغمبره ویردیک کی سزده
علما کزه ویریکز) جمله سیله حاشا پیغمبرک صدقه فطره
الدیغنی اشراب ایدن والی اوپدیره رک صدقه فطره لری
طوبایان جرارلر علما دکلدردر. انلر بو آیت جلیله
ماصدق اوله مازلر .

بناء علی ذلک صاقین بو آدم لری کوره رک حقیقی
علمادان حسن ظنکزی فالدرمایکز بیلکزه علماء
حقیقه دیانته اخلاقه اجتماعیه و آیه جلیله نک تعداد
ایتدیک قنونه واقف اوله رق عظمت الوهیت قارشوسنده
مبهوت و متحیر اولانلردر ومن الله التوفیق .

اسکوبلی مجاز خواجه لردن

ماظف فرید

نه دیسون



مابعد

فقط او ده کافی دکلدی . باشقه برشی آرامق لازم کوردی .
شمدی دقت ایدم ! نه دیسون پلاتینک ده بو خصوصده کافی درجه ده
ثابت اولمادیغنی آکلانجه باشقه یکی بر معدنی آزادی ، یوقسه
دیگر غیر معدنی بر جسم تحریسیله می مشغول اولدی . اگر
برنجی شق اختیار ایتمش اولسه ایدی بلکه بو کونکی تانتال Tantal
و تونگستن Tungastene معدنی تل لامه لرینی داها اوزمان
بولاجقدی . چونکه بو معدنلر اوزمانده معلوم ایدی ، اما توز
حالنده معلوم ایدی . باشلیجه مشکلات بومعدن توزلرینی اینجه ،
پک اینجه تلر حالنه کتیرمکده ایدی .

اوت بوتلری الده ایتمک کوچ هم ده پک کوچ ایدی . مع مافیله
شوصوک سته لرده بوکاده موفق اولدیلر .

و بز بو کون La lampe à filament metallique کون
مختلف جنس لرینده کورسیورز . لکن بوجهت ، یکی بر معدن
آرامق طریق نه دیسون ایچون اوزون ، تصادفک معاونت استغنا
کارانه سینه باغلی . غیر معین بر طریق ایدی نه دیسون بونی بر طرفه
براقدی .

باشقه بریوله صاپدی : معلوم اولان اجسام آره سنده کور ،
کیما اصطلاحنده نجم دیدیکمز کور قالوردی . اوت اما کور
هوا تمانسده یاتور ، پتیور . بناء علیه اونی هوان تجرید ایتمک

دین قارداشلر ! بنده اوخواجه افتدینک دیدیک کی
دیورم یعنی اصحابک پیغمبره ویردیک کی سزده ویریکز
انجق بیلکزه پیغمبرک آلدیغنی بوکون حکومت سینه
آلیور . پیغمبرک آلدیغنی ویرکو و اعانات سائر ملت
اسلامیه نک تعالیه صرف اولیوردی . سزده بو اوغورده
بذل اعانات ایدیکز زکاتیکزده اورایه ویریکزه بونکه
موجودیتکزی حیاتکزی دیانتکزی ناموسکزی
قور تارمش اولورسکز . اوکیجه مذکور جامع شریفده
کور دیکم او حالدن مسلکم نامه حیایتم . ناصل اونو نمایم که
دیدیکم کی بری منبرک ازقه طرفه اوطورمش ساده دل
اهالی بی صویور دیکری دینله ین کیشیه بی بوله مادیغدن
آیاق اوزرنده طولاشوب کیمی یقالارسه کل سکا آزا جق
وعظ ایدم ده ازعاج ایدیور . بر باشقه سی بر علم حال
کتابی واسطه تسأل ایدیور . دها باشقه سی هم قرآن کریم
تلاوت ایدیور ، هم ده صاغ النی آچش پاره بکله یور
اجایلرده بو حال سیرو تماشاییدیورلر . بو حالات مسلک
علم نامه یوز قیزارده جق شیر دکلی ؛ بالطبع بنم کی پک
چوق مسلکدا شلرده بو حالدن صیقیلور و بو کیلرک علما
قیافتده بولمه لرینه تأسف خوان اولیور .

اسلامیتده اولوم تهله کیسی اولمادقجه دینلمک
حرامدر . چونکه دینلمک ، بی نوعندن بر کیمسه یه